

7 207.
S. PETRI ENCRA TITÆ

AD

ILLVSTREM ABBATEM
BERGENSEM

DE

CONCVBINATV
EPISTOLA.

Trajecti ad Rhenum. Anno 1713.

ALBERT E. CHAPMAN

OF

THE UNIVERSITY OF
CHICAGO

DE

CONCERNING

THE



1881



*Illustris Et maxime reverende
Domine Abbas!*

Siquis unquam fuerit, illustris Domine Abbas, cui scribere de materia præfenti & communicare meam sententiam maluerim, sane præ reliquis Te putavi eligendum, eo quod & purioris doctrinæ eruditio, & vitæ intemeratæ consuetudo Ecclesiæ & omnibus bonis te hæcenus commendarunt admodum. Ita enim tuæ doctrinæ positiones comparatæ sunt, ut Theologia efficax mihi semper fuerit visa in istis latere, quippe quæ ab analogia fidei non discrepat, sed ad eam quadrat & solidam theoriam inculcat, & vitam rite transigendam cum ipsa fide, quatenus salvifica est, præscribit, & commendat; Sic quoque tua est vivendi ratio, ut religiosa

Apos-


possit omnibus dici, & quæ fidelibus se admodum probat, & quæ ab ipsis forte alias a te dissentientibus non potest unquam improbari, quare spes me omnimoda fovet, fore, ut has lineas benigno vultu, hoc est, absque ullo odio personarum suscipias, & cum labi tibi videar modeste, ac cum amore corrigas, si dissentire tantum, legas ac relegas, dispungas, quoque nonnulla, ubique vero bonæ fidei calammum agnoscas, nec desinas me amare, quamvis incognitum, cum vel binis saltem vicibus tecum colloquendi in transitu per vestram civitatem licentia mihi fuerit.

§. I.



Noli autem statim ab initio odisse nomen Encratitarum, vel abhorrere ab illo; scis enim, ubi nos sine dubio noveris, rigorem purioris vitæ nos vocasse ad emendationem eorum, quæ primis ab initio Christianismi seculis quoad concubitum, vel justum, vel injustum, seu minus privilegiatum consueverint in Ecclesia doceri, nec enim incognita tibi est injusta Nicolaitarum sententia, qui se adplicabant, & esui earum rerum, quæ Diis fuerant consecratae, & quæ cum illo conjuncta erat, fornicationi, ac reliquis actibus impuritatis, adeo ut nec erubuerint religioni cuiquam adscribere actus carnales extra matrimonium, gentili computandi & æstimandi ratione, ubi tamen nego cum Clemente Alexandrino, Eusebio, & Theodorito, istum Nicolaum, Diaconum Ecclesiæ, cujus in Actis Apostolorum

rum



rum cap. 6. fit mentio, autorem fuisse istius sectæ, de qua diximus; quamquam Epiphanius illud videtur asserere. Adversus vero impudicas istius Sectæ sententias Tatianus non poterat non sequenti seculo secundo egregie pugnare, & admodum dissentire vid. Irenæus, Clemens Alexandr. Euseb. & alii; ita, ut Encratitarum nomen quasi *abstinentium* deinceps usu venerit, post eum vero consentiebant eatenus Severus & ejus asseclæ, Montanus, Tertullianus & alii, unde deinceps nomen Tertullianistarum, Tascodrugitarum, Montanistarum, vid. Epiphanius, Theodoritus Philastrius &c. Sicuti vero errorem Nicolaitarum & aliorum ab initio fugere difficile fuerat, ob incognitum valde & admodum obscurum connubiorum jus, ex legibus civilibus, observantiisque Legum Græcarum & Romanarum non leviter obumbratum & tum temporis, si ulla unquam tempestate, multis ambiguitatibus obvelatum, cujus causam videbis deinceps, ita non est existimandum, nostram Encratitarum disciplinam ad alterum extremum devenisse, nihil enim volumus, nisi quod tanta beneficia & admodum quidem exorbitantia non sint ad fingenda connubio, ac si omnis concubitus in isto sit eodem jure privilegiatus, & eadem consecratione complexus, hoc enim, quid sibi velit, si rite perpendatur, proh Deum immortalem, quanta peccata manerent intacta, quæ extra matrimonium vix committuntur; Crede mihi, mi Pater, hanc thesin mereri accuratam quandam indaginem, & si qua hæresis subest, in cuncta concubitus materia, admitti sane ab illis, qui & in matrimonio nolunt servare vas suum in honore & timore, domesticæ Veneris privilegiatæ beneficio securi,

§. II.

Cum igitur viderem Te ac illustrem Collegam tuum Directorem Academiæ vestræ disputare utrumque contra concubinatum, & quidem hunc in particulari Dissertatione præcipue §. 27. & in fine, te vero in integra Dissertatione, & quidem formato hoc Controversiæ statu, annon Concubinatus ab optimo Salvatore nostro & Apostolis fuerit prohibitus, sane quoad tuam dissertationem, & tradendi modum, liceat cum pace & venia tua, Vir illustris, & sub respectu tibi reverenter debito, deprehendisse, & adhuc observare, quod jura con-

nubiorum istius tempestatis, de qua prohibitionem postulas, non videantur apprimè investigata, quanquam quaestiones Juridicae nec adeo tangunt, hoc enim, si factum fuisset, vix posset quaestio moveri, & in mentem cuicquam venire, an concubinatus a Christianis primi Seculi fuerit damnatus: nam nec ulla disparitas vel similitudo differentiae fuit inter concubinatum istius temporis & verum matrimonium, intuitu Christianismi, sepositis legibus Civilibus, id quod ipsum jus & historia Ecclesiae docet, & apparebit ex sequentibus. Licet igitur illustris Dominus Thomasius admodum erudite de seculo in seculum concubinatus historiam delineaverit, non potuit tamen impedire, & quodammodo dedit occasionem, ut post ipsius doctrinam, & ex illa, significarentur duae diversitatis egregiae notae & characteres, nempe deficiens in concubinato *affectio maritalis*, & *indissolubilitas*, ac intuitu horum deficientium requisitorum differentia a matrimonio. At vero, si unquam possit monstrari ingenua diversitas, & quae quidem hac dissertatione non tollatur, damno & rejicio concubinatum istius aevi, sin minus, quare disputamus frustra & formamus rem illicitam praeter necessitatem & sui existentiam, cum primis, ubi rerum vetitarum figmentum majori cum prudentia vitandum, quam licitarum, nititur enim depravatum Seculum in vetiti concupiscentiam; Tota vero res nostra cum sit depro-menda & existimanda e solis principiis juris nostri & historiae ecclesiasticae, ut formato conceptu distincto appareat, an tangat & incurrat sanioris theologiae prohibitionem, cum sileat juxta tuam confessionem, *expressa* lex divina, dolendum statim est ab initio, quod in jure ecclesiastico & idem civili tot & tanta volumina edantur quotidie, desideretur tamen ad hanc usque horam sicuti historia Juris Commercialium & Testamentorum, ita in primis quoque historia juris connubiorum, in quibus tamen consistit totius jurisprudentiae nostrae basis & fundamentum, quamvis enim jus civitatis Romanae, eatenus non videatur ad nos translatum, certum tamen est, conclusiones innumeras ex isto jure profluentes in nostrum esse redactas, & adeo subtili sepulchro latere ut nil nisi contradictiones ex commentariis nostris ad minimum plurimis ad nos potuerint redundare.




§. III.

Cumque difficilia sint præsentī huic tractationi acquirenda genuina subsidia, atque ut appareat & Tibi, Reverendissime Abbas, constet, ac reddatur ratio, ex quibus fontibus hausta sit præsens doctrina, videamus de autoribus partim ab aliis in medium prolatis, & examinetur deinceps mea opinio quoad supplementum omnium, quibus hac de re evolvere methodum, & rationem tractandi placuerit, idque eo magis, cum valde sit necessarium, in tanta obscuritate quærere faces. Ipse autem, quem forte putas a Te dissentire Dn. Thomasius, alibi paucos quosdam autores, plures Joh. Alb. Fabricius, & alii commendaverunt, ex quibus eruenda sit intricata hæc res; & sunt quidem potiores ac præ reliquis eligendi, Barnabas Brissonius, ut & Antonius & Franciscus Hottomannus, item Casalius *de ritu nuptiarum*, Albericus Gentilis, Tiraquellus *de jure connubiali*, Sagittarius quoque *in spicilegio de ritibus veterum nuptialibus* & porro quoad ritus Caspar. Calvoer & Joach Hildebrandus, sicuti de Hebræis Seldenus & Buxdorffius *in exercitiis de sponsalibus & divortio Hebræorum*, de benedictione sacerdot. Pfannerus, Tertullianus *de pudicitia* & infiniti alii, quos examinare alia vice satagam. Ex his vero omnibus plenarie doctrinam nostram evolvi feliciter non posse existimaverim, præcipue cum nemo una serie junctura matrimoniorum tam apud Gentiles, quam Christianos observata, junctis ritualibus & exinde profluentibus conclusionibus & principiis juris, respexerit, unde præter superius allegatos & alios apud Fabricium inveniendos evolvendi sunt, Cicero, Dyonisius Halicarn. Plutarchus, Gellius & omnino classici auctores, cum optimis quibuscunque Commentatoribus & quidem in indice sub vocibus: *Confarreatio, Coemptio, connubium, matrimonium, contubernium, concubinatus, divortium, dos, matrona, pellex, familia, adulterium, instrumenta dotalia & tabule, mater familias, deductio in domum* &c. ex novioribus videndi in commentario & indice Græviano ac Gronoviano, omnino quoque Rosinus, & potissimum autores ritualium, quo pertinent egregie, quæ nuper tradidit amicus noster integerrimus & conterraneus Dn. Nieupoort, quibus cum novo Testamento & S. Codice addendi Eusebius, Tertull. Chrysostomus & reliqui Patres, bibliotheca quoque Patrum, & ex novioribus Hospi-

nianus *de ortu monachatus*, Hildebrandus, & Casparus Calvōer sub vo-
cibus: *matrimonium, concubina, soror, extranea mulier, συνησάκτοι*,
junctis quibusdam jam antea citatis vocabulis, soleo & ego adhibere
Grammaticos & Lexiographos, Cellarium, Rhodiginum in lectioni.
antiqu. Briffonium de V. S. Hoffmannum & alios; neque aliter po-
tui tanta adhibita opera, & ut plurimum frustra quærendo, tam confu-
sas traditiones, & *theses ut plurimum sibi contradicentes* in luculentam e-
rigere consonantiam, prius quam omnia conferrem & legitime cum a-
nalogia Juris & fidei communicarem & sic tandem firmam thesin sta-
tuerem. Atque adeo ita mihi nunc videor in doctrina matrimoniali
firmatus, ut vix contradictio in animo mihi supersit, licet forte non va-
leam ita me explicare & proferre mentem, ut reliquis idem appareat,
plura tamen tradenda constitui in elaboranda quadam Historia Juris
Connubiorum reliquis, qui rectius gesserint, vicem meam facillime tra-
diturus.

§. IV.

Quibus ita generaliter cognitis, illud adhuc erit præprimis sup-
ponendum, & monendum in antecedentibus, quod non sit sermo de
concubinato quoad conceptum hodiernum, admodum falsum, ubi ab-
usively sumitur pro actu quodam illicito, & specie fornicationis, ita ut
concubina hodierna & meretrix, differant sicuti lardum & caro suilla;
nam prouti firmiter sum persuasus, concubinatum in genuino conceptu
quatenus in legibus & a Patribus Ecclesiæ traditur, & ad explicanda
jura connubiorum quam maxime *debet* & intelligi, & tradi, unum idem-
que esse *intuitu licite conjunctionis* cum vero matrimonio, exceptis qui-
busdam effectibus *mere civilibus*, ita *hodie* communis Dd. & Juris inter-
pretum est sententia, quod omnis omnis concubitus, extra præceden-
tem copulam Sacerdotalem, sit actus illicitus, & quidem præcipue lo-
quor de personis privatis, nam leges Civiles, ad quarum congruam ex-
plicationem potissimum respicimus, ac tolli eatenus doctrinam de con-
cubinato non posse monemus, ad Principes & Illustres non spectant,
inde controversiam quoad hos superiores relinquimus intactam, opti-
me gnari, quod longe aliis argumentis eatenus sit disputandum, si igi-
tur vel minimum scandali posset latere sub hac materia, dolerem tra-
ctatio;



(7)



rationem, quam tamen nec Huberus, nec alij JCtorum præterierunt; at vero illud est dolendum, quod vocabula non proprie, non genuine intelligantur & prima vice capiantur absque fictione scandali, disputamus enim de adulterio & Sodomia, non statim horremus nomina, qui contra pravos errores disputat, non potest omittere terminos, minime vero omnium historiam, antiquitatem & ita diversitatem; esto, quod concubinatus moralitasque eum prohibendi supponat leges potissimum ordinis, quid inde annon leges ordinis sunt etiam leges in conscientia obligatoræ? Sane nec Christus, nec Apostoli, legem civilem ideo vel mutarunt vel aliquid adjecerunt, sed gloriam mundi & civilem dispositionem, præprimis etiam quoad civiles effectus connubii, qui unicam fere matrimoniorum differentiam formalem essentiam constituiebant, suo loco reliquerunt.

§. V.

Ante omnia itaque e medio tollendum primum illud falsum, quod communiter a justis hujus rei tractatione homines JCtos avertit, putant, nimirum actus carnis in matrimonio admissos & concubitum privilegiatum ita mediante jure connubiorum sacrificari, & quasi legitimari, ut etiam ad scortationem, non tantum ob istam matrimonium introductum plurimis videatur, quanquam vel maxime artificium illud studetur celari. Sane quicquid extra procreationem sobolis & intentionem illius fit, vel fieri posset, est & manet impuritas animi naturalis & nihilominus fieri impune, nemo dubitat jurium interpret, nemo suadet Theologus poenam esse statuendam, & hoc est, quod Encratitæ nostri olim docuerunt potissimum, quanquam a DD. Ecclesiæ nonnullis ipsis imputatur, quod senserint, ipsum matrimonium esse impuritatem, quo facto, immunditiem externam & internam animi & corporis, non potuissent non confundere. Ego vero existimo putasse eos, non omnem animi impuritatem tolli solo mediante matrimonio, & ita abstrahere & eatenus abstinere, melius esse, scilicet constet, ego illis neutiquam subscribo, at in ipsa apologia Augustanæ confessionis ipsis quædam de se seio applicata videntur, interpretes vero rerum theologicarum vel odio Sectarum, vel præjudicio precipitantia, post neglectam accuratiorem indaginem, re non satis percepta, judicant aliud. Quan-

tum

tum autem scandalum in foro soli & cœlesti judicio oriatur mediantibus matrimonii excessibus, & quod ibi ad minimum alia ratione quam fornicatio non tractentur, neque privilegium istius connubii jurium ~~catenus~~ consideretur, tu poteris, clarissime Vir, præ reliquis judicare, qui notoria castitate & cœlibatu per omnem famam purissimo hæcenus duxisti vitam, nec dubito fore, ut autoritate tui consensus firmentur in hac thesi alii, cujus rei effectus in vita christiana posset præcipue consistere in eo, ut post ejus cognitionem & approbationem sufficientem abstraherent communiter homines ab errore recepto in matrimonii septis, & parietibus privatis, quod nempe ibi omnia liceant; ut adeo sequentia non facile evitentur peccata (1) concubitus frustra iteratus & inde profluens (2) acquisitio habitus in causis libidinis ita, ut consuetudo fiat altera ipsa natura, unde discursus illicitus & alii effectus ex naturali habitu oriundi, deinceps (3) spiritualis superbia, contemptus, & immisericordia intuitu illorum, qui extra matrimonium leviter labuntur sine consuetudine libidinis, ita ut talis peccator vix ac ne vix quidem tantum concupiscat in anno, quantum isti superbi quotidie, est enim indoles ambitiosorum & avarorum inprimis, ut nocte sibi sacra satis & ad abusum in carne volutati, sequenti die nihil videantur odisse magis, quam rem carnalem, ita ut & vocabula horreant, & ob illa quoque alios contemnant, porro (4) sequitur ex hoc errore abstinentia a precibus pro corde puro, nec nimis carnali in cujus peccati omissionis vicem surrogamus intuitu illorum, qui vel preces esse remedium naturale non assequuntur, vel malunt causas naturales medio naturali tolli, vitium nimiorum alimentorum, quæ corpori capiuntur, Bachi & Cereris adoratione ne frigescant in matrimonio, quod vitium ut plurimum amat Senectus unde (5) consequitur humidi radicalis prostitutio & mortis naturalis acceleratio.

§. VI.

Ex hisce igitur dictis nostræ Tractationis utilitas de se ipsa statim patefit, quidni ex eo, quod jam obiter monuimus antea, non posse nimirum doctrinam & jura connubiorum ex ipsis legibus civilibus, Canonicis, Ecclesiasticis, ritualibus, Patribus, Theologis, & primitivæ Ecclesiæ fundamentis percipi, vel umbra ejus adinveniri, nisi præter
con-



conjugium strictè dictum reliquæ conjunctiones licitæ, & concubitus
 cœlesti quadam *dispensatione* privilegiatus probe investigentur, sicuti
 ex sequentibus apparebit ulteriori quadam cura, ut vero constet ante o-
 mnia de statu causæ & qua de re differam in præsentî, unica mihi for-
 manda videtur quæstio, an nempe concubinatus differat a matrimonio
 & vero conjugio in foro Soli tantum, an etiam in Foro Poli, an sal-
 tem, quoad effectus civiles, an vero Theologice quoque, quo-
 ad effectus Christianismi & conscientiam intuitu prohibitionis di-
 vinæ vel quod Tu, Illustris Vir, maluisti, an fuerit concubinatus ab opti-
 mo Salvatore & ipsis Apostolis tacite & latenter prohibitus, nam quod
 expresse illud non factum, nec Tu diffiteris. De quo statu causæ ut
 adæquate & fundamentaliter ex ipsis antiquitatibus & rei veritate disse-
 ratur, supponendum præprimis est, tempore Christi & Apostolorum
 quinque potissimum fuisse genera liciti matrimonii seu potius conjun-
 ctionis. Primum erat connubium in specie ita dictum, cum omni ef-
 fectu civili, de quo deinceps, quod stilo Romano tum temporis potissi-
 mum usitato & in effectu cum juribus Hebræorum & Græcorum coin-
 cidente latebat sub matrimonio per cœmctionem; Secundo connubi-
 um minus perfectum, nempe quoad omnes effectus Civiles, quod de-
 scribi potest per matrimonium, per confarreationem & usum. Tertio
 vero concubinatus, de quo loquimur, & quarto contubernium servo-
 rum, quibus quinto accedebat in N. T. Sororia appellatio, & hinc de-
 inceps super additum matrimonium per copulam Sacerdotalem, de
 quibus omnibus quædam præoccupasse juvabit.

§. VII.

Et antequam quidem de nuptiis per cœmctionem differam,
 vel duo verba illustrationis causa de jure Civitatis Romanorum in ge-
 nere communicanda venient, nimirum solis Civibus Romanis, & il-
 lis, quibus deinceps illud communicabatur, competeat Civitatis Jus,
 consistens in his tribus, jure nempe connubiorum, Testamentorum &
 commerciorum, nec enim testamenta quilibet condere poterat, nec
 quamcunque rem, commercii jure, sibi comparare, nec uxorem habe-
 re, nempe cum effectu Civili; Ut itaque quoad jura commerciorum
 publice constaret, an ista res, quæ in mancipio seu dominio Civium
 tantum esse poterat, veluti immobilia, fundus Italicus, tum quæ be-

fiatum numero erant, ut boves, muli, equi, asini, non vero elephantī & cameli, quamvis collo dorsove dumentur, uno verbo res mancipi de cive in civem & non in alium transferentur, ac facili negotio vindicari quoque possent, (quare nostri JCi inepte vindicationem nobis difficilem retineant) præsto erat actus publicus mancipationis, quam solennem traditionem possemus vocare, qua mediante, omnis res manciperetur, seu veniret in manum & potestatem alterius civis, præsentibus quinque testibus; Civibus æque Romanis libripende & Familiæ emptore & sic quoque transferiebantur res per ultimam voluntatem, ut omnia præsentia & futura bona, per minimam rem, tanquam per signum, ficta tali venditione, & traditione seu mancipatione in heredem futurum, qui præsens erat, transferrentur, postea vero, cum vota captandæ mortis intercederent, præstabat locum heredis Familiæ emptor, cui omnis res mancipabatur, ut post mortem Testatoris heredi, in tabulis scriptis restitueret; quare in continenti fuit post istum actum traditionis neminem ab intestato aliquid potuisse amplius capere, cum heres ex mancipatione jam haberet omnium rerum *quasi traditarum* jus quæsitum, & hoc est, quod Romani ex natura negotii dicebant, neminem posse pro parte testatum & pro parte intestatum decedere, cujus rei rationem nostri JCi alii frustra quæriunt, alii dari negant, ipsam vero thesin æque inepte retinent. Apostoli vero & Christiani primævi sæculi tacebant ad hæc omnia, nec dolebant alios præ aliis, in acquirendis rebus mundanis, prærogativas sibi vindicare; plane Tertullianus fideicommissis illud Testamenti statuebat, cum Imperator Augustus & reliqui mallent æquitatis regulas, mediantibus fideicommissis, omnibus hominibus communes reddere, & quoad valorem ultimarum voluntatum indeterminatum communicare, & ita per indirectum tollere insanas regulas Status Romani præcedentis, turbulenti & popularis.

§ VIII

His itaque præmissis ad connexionem & argumentum dicendorum redeamus & supponendum quidem est pro invincibili Veritate, quod, sicuti reliqua jura Civitatis habebant formam solennem ritumque, maxime vero traditionem limitatam pro fundamento, ut res legitime veniret in manum alterius, ita sine dubio quoque in matrimonio idem

❁ (II) ❁

dem obtinuerit; & huius gratia nuptiæ fiebant per coëmtionem, hoc est, imaginariam emtionem & venditionem, adhibitis, dicis causa, quibusdam nummis, & sic mulier veniebat in manum potestatemque Viri, sicuti notum est ex Plutarcho, Macrobio, Juvenali, Gellio aliisque quos allegant ex novioribus Cælius Rhodiginus, Rosinus, & in specie Clarissimus Nieuport. Sect. 6. cap. 4. per tot. ac alii plures; solennitates vero breviter hæ erant, ut Vir scitaretur, an sibi mulier esse materfamilias vellet, quæ respondebat, velle; Mulier item sic, an sibi Vir esse, Paterfamilias vellet, qui respondebat, velle; Itaque in viri manu mulier conveniebat, eratque viro materfamilias loco filiæ. Inde Gellius; *in cuius manu Mancipioque alia matrimonii causa foret.* vid. Rhodiginus lib. 28. cap. 17. Atque adeo, postquam ita facta fuisset mulier materfamilias, istud matrimonium per coëmtionem ultro sequebantur omnes effectus Legitimi connubii civiles, qui consistebant in juribus dotium, donationis propter nuptias, patriæ potestatis, adoptionis, emancipationis, matris familias & reliquis omnibus, quæ sub jure personarum hodie traduntur, atque conclusiones ex antiquis legibus retinentur, postquam longe alia divisio a Triboniano introducta, nempe in Jus personarum, Rerum & actionum. Neque vero, quod statum Causæ turbet, credendum, jura Hebræorum Græcorumque in effectu alia fuisse & benigniora, intuitu juris Connubiorum, atque forte arbitrandum *ad speciem Commertii* veras & genuinas nuptias Civiles apud Hebræos Græcosque non pertinuisse, quamvis enim solennitates in manum potestatemque sumendi uxorem non semper convenirent, crederem tamen duriora adhuc eatenus Hebræorum jura esse & vel maxime Romana præ reliquis omnibus benignissima, simul atque enim Judæi per assumptionem in foedus Judaicum fierent Profelyti & ex istis Israelitæ, indispiscebantur Jus civitatis, sacrorum, Connubii, Magistratus, & reliqua. vid. Calovii *in capite de effectu baptismi* lib. I. *Ritual. Eccles.* Sect. 2. c. 35. §. 4. 5. 6. seq. quam dura vero fuerint jura Connubiorum & divortiorum ex sacro Codice constat.

§. IX.

Ab hoc vero matrimonio per coëmtionem differebat matrimonium per Confarreationem & usum, usu autem contrahebatur il-

Id, cum mulier integro anno & continuo cum viro fuisset ex sola causa & intentione matrimonii, & *hec quidem* uxor a concubina vix differebat, nam quod communiter adserunt præsumi nuptias ex persona libera & honesta, secus vero in concubinato. hoc vix quadrat ad evidentiam istius status, & committitur confusio *hujus* matrimonii cum *priori*, cum præsumtio cedat veritati & concubina etiam posset esse persona honesta in sensu communi, honestas vero tum temporis sumebatur ex communicatione Jurium Familiae, ut fieret *materfamilias*, non vero ex honestate vivendi quoad mores, sicuti dicitur deinceps, atque adeo matrimonium per usum erat ad instar usu capionis, intuitu rerum in commercio, sicuti coemptio erat loco legitimi Tituli emptionis, quamvis cum egregia differentia. Per confarreationem autem matrimonium introductum a Pontificibus Romanis, qui instar hodierni Cleri papalis & antichristiani omnibus modis in statu Romano ambibant brachium seculare, ut sub prætextu rerum sacrarum inirent dispositionem actuum mundanorum & Judicialium, sicuti ex Jure notum est, quod actus pietatis, ut adoptionis, & alii peracti etiam fuerint coram pontificibus Gentilibus, Confarreatio autem fiebat solemni sacrificio, adhibito farre (Jurarem, pro Pontifice, loco accidentium, ut nostro stilo uti liceat) & ita præsepte Pontifice consumebantur nuptiae, sicuti etiam dissolvebantur per diffarreationem, erat autem vetus, diuque consuetum antiquis Romanis alimentum farri, prouti Græci hordeum vetustissimam putabant frugem, cujus in Sacris primitias dabant, *ὄλᾱς* vocantes, de cujus rei solennitatibus vid. Festus & Boetius citati a Rhodigino dict. cap. 17. qui etiam in sequentibus probat quod res est, nempe quod *hec* solummodo *materfamilias* fuerit, quæ in manum per coemptionem venerat, quæ usu aut farre *minime*; sicuti vero omnis effectus veri matrimonii ad jura patris & matrisfamilias recurrebant, ita non est difficile arbitrari, quænam fuerit inter hanc uxorem confarreatam & concubinam differentia, nempe quoad entia sacra & profana, adhibitionem consecrationis Gentilis & consensum tantum civilem, de consuetudine vitæ, quoad conceptum *Flaminum* & *Flaminibus* addictorum & *reliquo-*
rum hominum absque præjudiciis. An recte vero a nonnullis comparari possit cum illa confarreatione nostra benedictio sacerdotalis, ita
ut

et lacram confarreationem appellent, de eo valde dubito, sicuti firmiter sum persuasus, omnem consecrationis vocem sapere Gentilismum, nec debere hodie ferri vel tolerari videri. præterea de confarreatione Lipsium ad Tacit. IV. Annal. 16. Quamvis vero posset opponi a sola methodo Romanorum non posse desumi argumentum ad consuetudinem communem temporis Christi & Apostolorum, nihilominus tamen salva res est, cum solum secundarium matrimonium hac ratione delineetur, licet methodus inter alias Gentes differat, quibus præsto erant permulti hominum, qui non poterant uti jure patris familias & reliqua Civitatis prærogativa, nec tamen poterant uti, interea vero abstrahendo a jure Civitatis jure naturali erat unum idemque matrimonium.

§. X.

Sequitur Contubernium Servorum, nam de Concubinato dicetur ultimo loco, ut in una sane maneamus, sicuti verò diversitates quoad jura Concubiorum, quam maxime erant, tum temporis necessaria, ne alii, qui jus Civitatis dicto modo non habebant, præcluderentur jure licite coëundi, quanquam legale matrimonium inire non poterant, ita sane præprimis fuissent servi miserrimi omnium, quum nulla jura proprie haberent, & ridiculum fuisset dicere uxorem servi, quamvis ego persuadear valde, sicuti multas concubinas, quarum vox non erat honesta, nempe quoad effectus Civiles, ita etiam per multas contubernales servorum, quarum appellatio necquicquam honestatis comprehendebat, in nostro, & hodierno honestatis seu vivendi pudoris sensu honestissimas appellandas præ justis uxoribus aliis, notum enim est ex ipsa Historia & antiquitate, opifices & mercatores, alteriusque diversæ conditionis fuisse servos, non semper viles homines, quis verò crederet honestam istam mercatoris seu opificis uxorem, seu contubernalem pro mera meretrice per se, quoad vivendi rationem fuisse habendam, sane ego firmiter credo, varias imò multas contubernales castioris vitæ operam dedisse, quam aliis justas & legitimas matres familias, nihilominus tamen extra omne dubium est positum, contubernalem deterioris fuisse conditionis, quoad gradus civilis honestatis, quam concubinam, at qui nec adulterii poterat accusari contubernalis ob violatum

contubernium per expressam l. 23. C. ad Leg. Jul. de adult. & ita dimit-
tendi licentia omnimoda permittebatur, nec reliqua jura, vel delicta,
quoad matrimonium ad servos erant applicabilia, quamvis æque credi-
derim, ideo quia accusatio publica & poena L. Julix non quadrabat ad
servos, sicuti nulla alia lex de matrimonio lata, lex enim Julia & Papia,
lex Papia Poppæa pertinebant ad Cives, non tamen sequi, laudabilem
fuisse violationem contubernii, nulloque vigore dignam, contuternalis
derelictionem, sane remanebant, pudor, immisericordia, levitas ani-
mi, & omissio virtutum, quas nos Christianas vocamus, uti de dissolubi-
litate in genere sequetur deinceps.

§. XI.

A verò, quoad servos, quid ait scriptura? Detrudatur ser-
va cum filio & ejiciatur, nam non debet filius servæ hereditatem cape-
re adversus filium personæ liberæ, nonne igitur & ibi improbatur il-
legitima conjunctio servorum, Respondeo distinguendo, sicuti per to-
tam hanc materiam, inter effectus Civiles matrimonii, seu conjunctio-
nis, & conjunctionem ipsam, & ejus moralitatem; sicuti igitur Chri-
stus & Apostoli non erant novi legis latores, ita jura Civitatis & effectus
Civiles suo loco relinquebant, nec addebant aliquid, nec detrahebant;
ita etiam in hoc simili pro filiatione & hereditate regni coelorum in me-
dium allato, statuitur potius & firmatur ipsa differentia inter heredita-
tem filii servæ & filii liberæ, seu effectum genuinum legalitatis matri-
monii, seu conjunctionis, *ad effectum familie*, nec dicitur, quod filius
Servæ sit peccaminosa conjunctione & concubitu progenitus, sed sal-
tem quod non debeat hereditatem capere, distinguitur igitur expresse
inter matrimonium Servorum & liberorum hominum quoad effectum
Civilem, quoniam hereditas ex filiatione unice procedit, supposita fi-
ctione unitatis in familia, Juribus Civilibus, ob solum caput familie
considerandum, præscripta, atque adeò status Servorum non impro-
batur, sed approbatur, vel potius suo loco relinquitur, sicuti sæpius
de liberis & servis in Sacro Codice statuitur; alias enim disputaret
scriptura non contra Servos, sed adversus homines liberos, & Servo-
rum Dominos, quippe Servis à statu connubiorum legitimorum præ-
ter suam culpam præclusis, quam maxime, contubernia servorum fre-
quen-

❖ (15) ❖

quentia expetentes, ob acquisitionem servorum *per natiuitatem*, nullum igitur est dubium, quin servorum jura, quoad conjunctionem in contubernio retinuerint Apostoli, nec unquam contra illa disputaverint, cum adversus jura libertatis non potuisset servis meliori connubio consultum iri, & quamvis possit objici, exclusionem servorum à legitimo matrimonio potuisse approbari quoad effectus Civiles, in primis quoad successionem, sicuti salvo Christianismo potest admitti & approbari ipsa paupertas, inde tamen non sequi, quod in ipso contubernio non potuerit servari affectio maritalis indissolubilitas, at verò, si fuisset unquam intentio reformandi adversus jura Dominorum, leges Civiles, & universam totius mundi, de contubernio Servorum consuetudinem, sane fuisset operæ pretium, nec ullà ratione potest præsumi adeò plenarium in re tam ardua silentium, sed verò neutiquam & nullo unquam tempore matrimonia fuere indistincte indissolubilia, & adeò non est disputandum de licentia dimittendi, sed de causis dimissionis & divortii, de quibus in se dicetur deinceps, quando de dissolubilitate concubinatus erit dicendi locus, saltem vox divortii, intuitu contubernii, & concubinatus nec erat *adequata*, nec omnes hi termini matrimoniales à Jctis pariter & Dd. Ecclesiæ potuissent mente concipi intuitu servorum, absque contradictione in adjecto, in specie quoad affectionem maritalem mansit tamen status Servorum ab initio Christianismi, ut non tantum in ipso dicto scripturæ allegato de ejectione filii Servæ & exclusionem ab hereditate, expressis verbis separatae sint nuptiæ Civium & liberorum hominum à conjunctione servili, ita ut filius, è concubitu servorum natus, sit exclusus a domo & omni Familia, nam Familia, & hereditas tum temporis erant unum idemque, sed & non poterat aliter, quam approbari concubitus iste extra familiam & jura familiæ, quia aliud remedium servis non erat concessum, nec poterat sine destructione totius juris Civitatum concedi. Sane igitur qui ex antiquitate rite indagaverit, quid sibi voluerit nomen Familiæ, quid Contubernium, quid divortium, junctis aliis hujus rei infinitis Doctrinis, non mirabitur, si fatear perpetuis contradictionibus involvi Doctorem & Ecclesiæ & LL. tradita de matrimonio, multasque hodie in rebus matrimonialibus inveniri difficultates, non in se,

sed

sed ob Doctrinam ipsam, quas tamen silere malo, ob animos impuros, quibus facile potest scandalum accommodari. Illud adhuc extra dubium est, quod status Servorum non fuerit adversus naturam Christianismi, quamvis quoad regnum Coelorum nullus sit servus, nullus liber, sed omnes æque habiles ad filiationem in Christo, attamen in regno mundano adest differentia, & hæc in regnis terrarum diversorum statuum diversitas, à Christo idemtidem suo loco relinquitur, quia ipsius Gloria de hoc mundo non est, præterea Dd. Ecclesiæ & Imperatores Christiani Doctrinam de servis seu contubernio & alias LL. retinuerunt, ac suas fecerunt atque ad Eustachii heresin connumeratur, quod sub specie pietatis servos à Dominis abalienare voluerit. vid. Socrat. in Hist. Eccles. lib. 2. cap. 33.

§. XII.

Restat sororia appellatio de qua dicitur in l. 19. C. de Episcop. & Cler. his verbis : *Eum, qui probabilem seculo disciplinam agit, decolorari consortio sororiæ appellationis non decet ; Quicumque igitur cujuscunque gradus sacerdotio fulciuntur, vel Clericatus honore censentur, extranearum sibi mulierum interdicta consortia cognoscant, hac tantum eis facultate concessa, ut matres, filias, atque germanas intra Domorum suarum septa contineant &c.* Cui textui jungitur Auth. multo magis, sequentem in modum ; *multo magis ergo cessant eorum Conjugia, soli enim Cantores leutoresque nuptias contrahere permittuntur &c.* quæ prohibitio videtur convenire cum doctrina Concilii Ancyranicæ cap. 19. & exemplo Fidei Nicenæ apud Ruffinum hist. Eccles. lib. I. cap. 6. ubi num. 3. sequentia traduntur verba ; *Et ne quis Episcoporum caterorumque Clericorum cum extraneis mulieribus habitet, præterquam cum matre vel sorore, vel thêla, vel si quæ sunt huiusmodi necessitudinum personæ.* Antequam verò ad explicationem propositi textûs & indolis sororiæ appellationis vel etiam sororum primitivæ Ecclesiæ progrediar, duo potissimum sunt præprimis supponenda & præoccupanda, primò, quænam fuerit genuina ratio, quod Clericorum Connubia, quæ ab initio Christianismi licita erant, postea in Conciliis prohibita, deinceps verò secundò, quod duplex sit formandus sororiæ appellationis conceptus, alter licitæ, alter illicitæ, illa, tam Cleris ab initio, quàm aliis Christianis erat communis & permissa

❁ (17) ❁

missa & formabat quasi Connubium Novi Testamenti, ac quoniam forte tot requisita Juris Connubiorum apud Gentiles, intuitu Jurium Civitatis, Christianis nec communicabantur, nec placebant, vocabant suas uxores *sorores*, de quibus loquitur Apostolus, quod sibi quoque sit licitum ducere *sororem in locum uxoris*, scilicet legitimæ, apud Gentiles & ob introductas ab his leges connubiorum, quarum intuitu sorores vix aliter, quam Contubernales & concubinæ poterant venire, illicita verò sororia appellatio unicè hæc est, quando Clerici, supposita jam prohibitione, de non ducendis uxoribus, sub prætextu matrum, filiarum vel sororum, & cum figmento, ac mendacio, alias extraneas mulieres secum ducebant, unde *οὐνετακτοι*; & quando quæstio erat, quid sibi negotii esset cum istis mulierculis, falso respondebant, esse sorores Germanas, vel alias cognatas, vel etiam, quod forte ab Historicis negligitur, aut confunditur, cum nondum ipsis essent prohibita matrimonia, sive primaria, sive secundaria, id est, sine effectu patriæ potestatis, & reliquorum Connubii Jurium, effectibus, isti clerici abstrahendo a conjunctione unius aut uxoris aut Concubinæ, meretrices & alias ilaudabiles personas aiebant, sub prætextu sororum germanarum aut matrum, aut etiam forte sororum, quatenus pro uxoribus sumebantur tempore adhuc liciti clericorum matrimonii, cui fuco & mendaciis obviam veniebant tot leges & Concilia, ut confusio quædam sæpe irrepserit, & vix illa possit evitari, quando de prohibitione sororiæ appellationis verba legum & Conciliorum examinantur. Quod ut ulterius appareat, videndum nunc quoque, quanam sit præter dictam genuina ratio, quod Clericis in genere matrimonia sint interdicta, alii dicunt, quia, qui se adplicavit ac dedit servitiis Ecclesiæ, sacrisque, debeatur quoque abstrahere ab actibus mundanis, ne detineatur a cultu Ecclesiæ debito, inde Cantori & aliis, laxiori servitio ecclesiæ dicatis, permixta erant matrimonia, at vero ô nobiliss, Dn. Cantor, si tanta confusio Ecclesiæ

C cleſiæ

ecclesiæ potuisset prævideri, ut tot & tam inutilia servitia Ecclesiæ intro-
ducerentur, ita ut non amplius constet, quid sit Ecclesia, quid Tem-
plum, sane fuisses obligatus, rem suam restituere acolutho, acoluthus
Diacono, Diaconus Episcopo, Episcopus Ecclesiæ, Ecclesia se ipsam
Christo, & ita sane sciret Ecclesia, cujas effet, & ita primis statim ab
initio seculis, quid vero dicetur de restitutione sequentium seculorum,
quid si nunc ista requireretur a Cantore usque ad Episcopum, heu!
quoto gradu procederetur a Cantore ad Canonicum & Prælatum, De-
canum & præpositum, sed actum est de Ecclesia, quæ nec sibi ipsi, nec
Christo ante exitium mundi facile erit reddenda in finem, & quid sane
dicendum ad tibicines, fidicines, Liricines; At vero quicquid hujus
sit, progredimur ad aliam rationem, quæ non desumitur ab impedimen-
tis negotiorum secularium, sed ab ipsa quadam putativa honestate, ac
si immundities quædam Veneris non deceat graves & honestos viros,
pro exemplo aliorum in tanto officio constitutos, ut castitatis imagi-
nem repræsentarent reliquis, commonstrarentque, quam facilis sit pu-
rioris castiorisque vitæ via, dummodo applicatio accedat. Alia de-
mum ratio traditur ab aliis, vid. Calvoer in *Fissuris Sion*, lib. 18. cap. 1.
§. 21. Quæ admodum verosimilis videtur, nempe quod abstinerint
Clerici in ulterius plantanda Ecclesia ab ipsis matrimoniis
ad captandam benevolentiam Gentilium, qui valde Christianis accur-
rebant & quibus admodum inhonestus videbatur Clericorum concia-
bitus, quoniam apud eos sancitum:

Absistat ab aris, cui tulit hesternæ gaudia nocte Venus.

Unde Athanienſium Hierophantæ, & alii quoque potu cicutæ uteban-
tur, quæ erat herba adeo venenosa, ut ejus sucum bibere damnati co-
gerentur, quare & Socrates fertur, ejus poculo periisse, vid. Plinius, lib.
25, cap. 13, sacerdotes quoque matres Deorum Samiæ testa virilia sibi

amputabant, & notæ sunt proinde Virgines Vestales, ac apud Ægyptios sacerdotes ἱερεῖς constant, quoque apud Judæos Esai, & hodie Rab-
bini circa Sabbatum Venerem allio roborant.

§. XIII.

Quamvis vero hæc ultima ratio valde videatur verosimilis, non tamen credibile, Christianos sese gentilibus æquiparasse, cum illud ab ipsis prætenderent, nec potuissent in gratiam illorum rem licitam pro illicita venditare, secunda vero ratio continet flosculos tantum Orato-
rios, & remanet itaque indagatio veræ rationis, quæ mihi videtur pri-
ma, nempe ab alienatio ab actu Ecclesiastico, per impedimenta rerum
Civilium, non tamen quod itidem honestum non sit, prout plurimi con-
fundunt, immiscere se rei seculari & commerciis in se licitis, sed ob sta-
tum peculiarem Juris Connubiorum & inde dependentis Juris patrum
familias, siue quorum præsentia nec ab ipsis, nec ab ipsorum filiis, po-
terat vel emptio. venditio vel alius actus exerceri, unde Jus patriæ pote-
statis; Notum enim est antiquis temporibus in quocunque contractu,
aliisque negotiis Civilibus exercendis, non ad personas earumque con-
sensum fuisse respectum, sed ad familias, quibus Civitas dijudicabatur,
& ex quibus nemo, nisi Pater familias ad negotium, valide celebrandum
admittebatur, cum itaque Clerici tantummodo essent addicti rebus
Ecclesiasticis, scilicet in Ecclesia elegantiori & pedetentim more regi-
minis mundani ad illustriorem speciem redacta, non sane conveniebat,
ut impedirentur quotidie Clerici interesse contractibus & quotidiana-
nis commerciis filiorum familias, inde *familiam* non audebant habere,
licet habuisse conjunctas seu uxores, extra omne dubium sit positum, ni-
hil igitur cessabat in legitimitate consortii Clericorum, quam effectus
Civiles, manente matrimonio, alias in se non illicito, unde concludi-
mus, sororiam appellationem fuisse aliquod permissum quidem & lici-

um matrimonium, sed non legale, solenne & ordinarium, quia extra dubium est, soli servitio Ecclesiæ, etiam primævos uxoratos Clericos fuisse addictos, quamvis non cum effectu Civili, quoad familiam; Inde comparative & intuitu veri effectivi & legalis matrimonii vel connubii Civilis erat hæc sororia appellatio, uno verbo, nihil aliud, quam species contubernii, seu concubinatus; Quando igitur textus Codicis prohibet & interdicit Clericis istam sororiam appellationem, videtur quidem abusum sequentibus temporibus sub specie personarum conjunctarum supposita prohibitione totius matrimonii, & omnimodæ Clericorum conjunctionis introductum, quam maxime prohibitum esse, confusionem tamen enormem tam ex istis Textibus, quam Decisione Conciliorum, quibus hi Textus fundantur, esse commissam inter sororiam appellationem primævam, & deinceps in Legibus Clericis tantum prohibitam, hæc enim sola illicita est, non vero illa, sed effectus Civiles solum prærumpebat, ut adeo potuerit manere contubernium permissum, ita ut hanc sororiam appellationem genuinam & ipse Apostolus probet expresse *1. Corinth. 9. v. 5.* vid. Eusebius, Hieronimus, Tertullianus, ex novioribus Hospinianus, & alii, unde mihi valde difficile videtur asserere, an & ista & hodiernæ conjunctiones Christianorum magis accedant connubiis Romanorum, an Concubinatu, cessat enim quidem dignitatis communicandæ privatio, sed hæc consistit in effectu Civili, ubi e contrario ne vestigia, quidem adsunt jurium Connubii istius temporis, quatenus reliquis licitis conjunctionibus opponebatur, cessant enim tanta jura Familiarum, & inde proveniens *fictio unitatis*, patria potestas &c. Quod enim dissolutionem attinet, de ea dicetur deinceps, ita ut separationis argumenta pariter ad concubinatum, quam reliquam legitimam conjunctionem quadrent.

§. XIV.

Consequens est, ut videamus de ipso Concubinato, qua in *legibus Civilibus*, qua dispositione *primevæ Ecclesiæ* usitato, & quidem quoad Textus Civiles, apparebit statim ex illorum allegatione & inspectione, quod quidem honestior fuerit uxor, quam concubina, honestas tamen ista non ex actu licito vel turpi, sed effectu mere Civili determinanda sit, cum uxor corruscaverit radiis mariti, id est, Dignitate eadem gavisa, non vero concubina, eo quod non erat materfamilias, & primo quidem de illis concubinis cum egregia consideratione dicitur in l. 310 in pr. ff. de Donat. cujus integer Textus meretur, qui hoc loco adponatur, verba vero Jcti Papiniani in hoc genere, tanta alias conscientia præditi, ut martiris vicem obierit, hæc sunt: *Donationes in Concubinam collatas non posse revocari convenit, nec si matrimonium inter eosdem postea fuerit contractum ad irritum recidere, quod ante jure valuit, an autem maritalis honor & affectio pridem præcesserit, personis comparatis vitæ conjunctione considerata perpendendum esse respondi, neque enim tabulas facere matrimonium.* Sane ex hac ipsa lege clarius apparet, quod nimis faciles sint, qui concesserint, deficere in Concubinato affectionem maritalem, & ita statim cessat altera differentię nota inter matrimonium verum & Concubinatum, alteram vero de indissolubilitate examinabimus deinceps, quanquam & de hac in Textu apparet, illaudabilem fuisse dissolutionem Concubinitus, & inter alias quasdam pœnas prærogativarum privativas meruisse, alias enim verba illa, *vitæ conjunctione considerata*, vix possent intelligi, interim tamen manebat ex natura negotii dimittendi licentia, ob causas & leges divortiorum *Civibus* tantum applicabiles, quomodo vero fuisset consulendum isti, qui jure Civitatis impeditus legitimas nuptias contrahere non valebat, nisi fuissent alia genera licitæ conjunctionis, neque mente concipi posset,

Quid sibi velit dubitatio *pr. Inst. de Nuptiis*. ubi dicitur, quod de filio furiosi dubitatum fuerit, an nuptias contrahere vel potius uxorem ducere posset, puta nuptias sufficientes & legitimas, ad quarum perfectionem essentialiter requirebatur Patris Consensus, ut duceretur in ipsius domum & familiam, unde etiam ad filia non variabatur, nisi supponeremus, licitam conjunctionem ipsi superfuisse, de effectibus Civilibus, vero, ob cessans requisitum essenziale, tantummodo fuisse dubitatum. Alia Dispositio & effective æquipollens deprehenditur in *l. 29. in pr. ff. de legatis III*. Et quod dignitatis Civilis tantum, non licitæ Conjunctionis differentia inter Concubinatum & nuptias intercedat, quod nos tam distincte sæpius monuimus, & omnino in hac materia monemus, expresse deciditur in *l. 49. §. 4. ff. eod.* his verbis: *Parvi autem refert, uxori an Concubina quis legat, quæ ejus causa emta, parata sunt, sane enim nisi dignitate nihil interest.* Quamvis vero, in nonnullis legibus non tam honorifice de concubinatu sentiatur, facilis tamen est responsio, ex ipsius notissimis Dignitatis gradibus depromenda, sicuti enim gradus honoris sunt in uxoribus justis, ita ut opificis uxor non adeo honoretur ac mercatoris, hujus vero non ita ac alia dignior, ob honores & munera mariti, ita quammaxime in Concubinis idem obtinebat, quoniam verum matrimonium, remotis impedimentis Civilibus, facile inter easdem personas sequebatur, & ita Concubina, ad illum effectum obtinendum, præ reliquis studebat virtutibus, gravitati & meritis æconomicis, longe vero aliud sentiendum, de meretrice vel alia levi persona, quæ indocte cum concubina comparatur. Alia ad huc dispositio invenitur in *l. 17. §. 1. ff. de his quæ ut indignis* & aliis Juris Textibus compluribus, ita ut nec concubina semper matronæ nomen amiserit, præprimis si fuerit Concubina patroni *vid. l. 41. in fin. ff. de ritu Nupt.*

Et ita quidem de jure Civili, sed quoniam hoc non attendendum Tibi, illustris Dn. Abbas, videbitur, provoco ad JCtos Christianos, qui expresse senserunt, Concubinatum ab initio Christianismi Durasse, at ubi nec horum Testimonium sufficiens videri posset, videamus, quid Christianis primitivæ Ecclesiæ purioribus, ipsisque rerum Ecclesiasticarum & Christianarum interpretibus, ut & Patribus, in ipso coetu Conciliorum congregatis, visum fuerit de Concubinatu sentiendum, & ante quidem Justinianum, qui post tot Secula, tanquam Imperator Christianus, leges de Concubinatu ad explicanda reliqua Jura matrimonialia adjecit Juris Corpori non tantum, sed & ipse probavit; vid. omnino Eckolt, ad tit. ff. de Concubin. ab initio nempe Christianismi usque ad Seculum IX. ab Imperatoribus Christianis fuit receptus, tacentibus, & partim expresse consentientibus omnibus Theologis, imo, quod maximum, ipsi patres Ecclesiæ concubinatum nunquam damnarunt, sed tanquam licitum depredicarunt, licet nonnulli Patrum ex post facto, cum & Concubinatus & ipsum matrimonium aliam faciem induerint, etiam quoad effectus Civiles, connumeratis temporum & variationum Circumstantiis, coeperint istum rejicere, unicus quidem Ambrosius tempestive dissentire videtur, sed ut taceamus conciliationem absque ullo progressu ad aliquod extremum facile posse inveniri, & deinceps adjiciendam esse, hoc saltem intuitu istius in eventum erit præmonendum, quod si nulla conciliatio inveniret locum, non tamen posset argumentum valere, ab unico patre Ecclesiæ ad totum Cœtum in Conciliis publicis congregatorum Ecclesiæ patrum, qui expresse concubinatum receperunt, sicuti factum est in Concilio Toletano, his verbis: *Is qui non habet uxorem*, hoc est, cui interdicta sunt jura Connubiorum solennia, ob deficiens jus Civitatis, vel alia requisita legis Civilis,

pro uxore habet Concubinam cum urere non posset & nullum aliud in Civitate legitimum, Conjunctionis remedium superesset, a communione, puta Christianorum, non repellatur, ~~tamen~~ *an*ius mulieris aut uxoris aut Concubinae, quia plures habere nec lex Civilis permittebat, conjunctione sit contentus. Tota vero Collisio & dubitatio modernorum Theologorum pendet ex eo, quod, neglecta Historia Ecclesiastica, statum Connubiorum praesentem, & supposita benedictione Sacerdotali fundatum, ab omni aeo existiment, ita fuisse immutatum, cum tamen benedictio sacerdotalis seculo Demum IX. & X, in ordinem re-
 daeta, & matrimonia, inde fundata, plane novam causam sumserint; ante haec Secula vero nuptiae per benedictionem seu praesentationem, Ecclesiae valde dubiae & multis tricis fuere obnoxiae, ac sacra nuptialia cum manumissione & aliis actibus Civilibus multa habuerunt commu-
 nia, vid, Calvoer in *Ritual. Eccles. lib. 1. Sect. 1. cap. 27. §. 4. & seqq.* ut adeo interea temporis discernere matrimonium & concubinatum e-
 gregii sit laboris, genuinam vero differentiam nec Hildebrandus, nec Calvoer nec alius quisque, quam maxime etiam sollicitus, potuerit in-
 venire.

§. XVI.


Quam indubia itaque & incerta haec omnia sint, ita ut non sit necesse adversus veritatem & fidem Historicam disputare, attamen & mihi liceat conjecturas quasdam adferre in medium, quod nempe deficiens *affectio maritalis & dissolubilitas* seu divertendi licentia veram differentiam inter matrimonium & Concubinatum non efficiant, & ad maritalem quidem affectionem quod attinet, duplex de ea conce-
 ptus communiter formatur, alter quod affectio maritalis consistat in effectibus tantum Civilibus, & participatione ejusdem honoris &
 commodi, ob personas, juribus Civitatis non inclusas, alter vero
 quod

quod comprehendat & significet amorem Conjugalem & affectionem
sibi habendi aliquam pro licite conjuncta, supposita conjunctione &
communicatione vitæ, licet non Civilis, tamen naturalis, & quodam-
modo œconomica, fortunæ adversæ & secundæ, & ita se invicem æsti-
mandi in ista conjunctione, non obstante deficientia effectuum Civili-
um, si igitur primi generis sensus abesse dicatur a Concubinato, conce-
derem & largirer facillime quidem, sed quid hoc ad prohibitionem dis-
vinam, honor enim mundanus non requiritur in regno Cœlorum seu
Foro Poli, si in sensu posteriori nego quam maxime, cum & leges Ethni-
cæ obstant, juxta ea, quæ superius adduxi, præprimis ex tenore expresse
citatz l. 31. in pr. ff. de Donation. Antequam vero de dissolubilitate &
licentia dimittendi, quæ unica adhuc restat, disceptemus, sequentia
præprimis postulata, necessario supponenda esse arbitror, (1) Quod dis-
solubilitas etiam ipsius matrimonii tam juxta regulas Christianorum,
quam aliarum gentium ab omni ævo obtinuerit, causæ vero saltem fue-
rint diversæ, (2) Quod intuitu Causarum dissolutionis non facile dari
possit regula generatis, nec lex theoretica & simpliciter talis, lata videatur,
sed omnis dispositionis ratio secundum quid & hypothetico, respectu cu-
jusdam populi, vel legum Civitatis, consuetudinisque, intelligenda (3)
Quod vero monito Scripturæ de indissolubilitate tam Concubinatum,
omnemque licitam conjunctionem, quam ipsum matrimonium tan-
gant, supponantque misericordiam & lenitatem Christianam, ne quis u-
tatur permissione dimittendi Conjugem, quippe quæ Civili tantum
ratione concessa. (4) Quod Christus & Apostoli omnem dissolubili-
tatis, seu divortii rationem & que accomodaverint legi tantum & sta-
tui Civili, alias nec ob adulterium permisissent divortium. (5) Quod
extra dubium sit, Christianæ indolis rationi, virtuti & lenitati conveni-
entius esse, & laudabilius, nec ob adulterium dimittere Conjugem. (6)
Quod optimus Salvator reliqua jura talionis, & retorsionis nimis dura
judicaverit, & inter Christianos non toleranda, nihilominus talionem
fractæ fidei matrimonialis, Statui Civili istius ævi existimaverit accom-
modandam. (7) Quod itaque læsio partis innocentis omnem causam
divortii ab omni ævo radicaliter & primario effecerit. (8) Quod vero
pars aliqua in matrimonio secundario non lædatur, ubi ab initio Con-
tractus fuit perlocuta, & ex legibus Civitatis certior reddita, alias & le-
viores esse causas dimittendi, præcipue inter duriores animos, quam in
ipso matrimonio Civili. (9) Quod adeo & is fuerit immisericors, qui

Concubinam dimiserit, absque ulla Causa, & peccaverit, ab omni ævo, contra honestatem, vel potius laudabilitatem vitæ, in se, & virtutem Ethicam, quam in ipso Christianismo vocamus lenitatem, misericordiam seu virtutem Christianam, & denique (10) Quod intuitu dictorum Scripturæ enormis mihi videatur formanda differentia inter Christum *docentem* & *disputantem*, ibi enim adhibet Theses generales, simpliciter tales, & ad omnes applicabiles, hic vero speciales, secundum quid consideratas, & argumenta κατ' ἀντιπόπην exhibentes.

§. XVII.

Ad illustrationem postulati *primi* pertinent mores tam Hebræorum quam Græcorum, ut & Romanorum, aliorumque populorum, de quorum diversitate vid. Calvoer in *Ritual. Eccles. lib. 1. Sect. I. cap. 49.* per tot. & ibi citat. Auctor : Saltem quoad mores Christianorum dicendum, quod præter Causam adductam, à Christo permissam, status posterior & hodiernus, sicuti Tibi ipsi ex experientia Consistoriali notum est, multo plures admittat divortii causas, ut sunt, malitiosa desertio, impotentia, error in persona, metus, quarum Causarum extensiva interpretatio, Intuitu nempe unius tantum Causæ permissæ, novam sane σκληροκαρδίαν sapit, non obstante permissione Theologorum Christianorum, non obstante quoque distinctione, inter solutionem matrimonii, & declarationem nullitatis, quippe quæ nihil, nisi pallium Cordis duritiæ præbet, non jam addam, quod mihi valde verosimile videatur, ab initio Christianismi captivitatem, & servitutem intervenientem potuisse tollere vinculum matrimonii veri & Civilis, cum permissio Salvatoris, quoad dissolubilitatem, loquatur saltem de isto Casu, quando illud divortium incipit à parte innocente, & ita à dispositione hominis, non vero quando fit immediate ab ipsa lege, & ita incipit à dispositione Juris, præterea effectus Servitutis, & captivitatis non fuerunt mediante Christianismo sublatis, & sicuti σκληροκαρδία in se non est speciale delictum, sed potius hæc omnia in sensu contrario supponunt, quod semper monemus lenitatem Christianam, quippe quæ respuit legem in se, ita hisce suppositis ultro fuit illustratio postulati *secundi*, videlicet quod omnis permissio dissolubilitatis sit hypothetica, & supponat Statum Civilem mutatum, vel non mutatum, alias Theologi istas interpretationes extensivas haud sustinuisent, non dicam de Statu Hebræorum, & Græcorum, quibus aliæ, aliæque Causæ addebantur, cum pudoris esset dimittere, & valde turpe, etiam apud ipsos Græcos, qui hoc



(27)



vinculum alias valde solubile judicabant, vid. Calvoer tit. loco. §. 3. unde porro fuit explicatio postulati *tertii & sexti*, nam quod licentia dimittendi ex Causa Christiana & hodierna consistat in sola misericordia & debita lenitate Christianorum, & e contrario *melius* faciat, non dimittendo, cui licentia ex justa causa concessa est, probatur ex ipsis persuasionibus in nostris Consistoriis adhiberi solitis, & quotidie Tibi notis, videlicet ut pars *innocens* misereatur, partis *nocentis & lapsæ*, ac retineat in toro, unde etiam poena Capitalis solet remitti adulteris, si pars *innocens laudabili & suadenda* misericordia christiana *ductus* remittat delictum parti nocenti,

XVIII.

Quarti vero postulati argumentum latet in antea deductis, de iuribus coëmptionis, matrisfamilias &c. quæ non quadrabant ad Concubinam, & ideo non tam facile dimittebatur uxor, quam Concubina, pudoris tamen erat & turpe, ex sola levitate animi & sine ulla causa hanc quoque derelinquere, unde fuit, quod volumus misericordiam nempe christianam in non dimittendo ad Concubinatum & matrimonium æque quadrare, hæc vero misericordia & *Status Christianismi* non tollit Statum Civilem, sicuti, qui Eleemosinas non dat, non incurrit poenam vel notam Civilem, quanquam Christianam, huic vero Statui Civili omnes omnino & *ipse* Christianæ de divortio leges superstruuntur, quæ alias & sua natura sunt & militant contra Christianismum & misericordiam Christianorum, alioquin enim non laudarentur isti, qui contra legem Christi, ipsum divortium permittentem, reünent conjugem & remittunt, atque hoc idem est, quod diximus postulato *Quinto*; Quod vero juxta postulatum *Sextum*, inter rationes Statui Civili adtemperatas quoad divortium ob adulterium, præ reliquis appareat jus talionis, & retorsionis, valde verosimile est ex eo, quod ista tempestate rudiores erant homines in remittendo, & retorsiones seu taliones valde usitatæ, de quare vid. Gellius lib. 20. cap. 1. ubi quoque invenitur ratio, alias intuitu istarum talionum ridicula visa; cum scilicet poenæ pecuniariæ non sufferent, & petulantia hominum, præprimis divitum, non possent satis coerceri, recipiebatur poena talionis, sicuti hodie in duellis quandoque obtinere solet, petulans enim Neratius quidam apud Gellium pro delectamento habebat os hominis liberi manus suæ palma verberare, eum servus sequebatur crumenam plenam assium portans, & quem-

cumque de palma verat numerari statim secundum duodecim Tabulas quinque & viginti asses jubebat, inde pœna talionis introducebatur

Si membrum rupit meum & pacto talio esto :

Quamvis itaque optimus Salvator improbaverit legem talionis, ut oculus pro oculo, dens pro dente, vel membrum pro membro ruperetur, quoad tamen divortium illam non judicabat, statui Civili & Christiano imo adeo plenarie contrariam, sed potius *atenus* tolerandam, ut qui fidem fregerit conjugalem, idem pateretur a parte innocente, & ita huic civiliter & impune liceret & *permitteretur* dimittere conjugem ; Reliqua sunt evidentia, & fluunt ex dictis pronos quasi alveo.

§ XIX.

Concludimus itaque ex hisce omnibus *rationem* dissolubilitatis, vel totalis seu *omnimode*, vel etiam sub certa causa permittendæ, non esse vitium concubinatus *in se*, & ipsi *proprius*, sed *communis* cum matrimonio, sicuti enim ipsa causa divortiorum potuerunt Statui civili accommodari, ita neutiquam credendum, peccasse Christianos Imperatores, Jctos, Theologos, imo vero ipsos Ecclesiæ Patres, & quidem in pleno Concilio congregatos, dum Statui Civili accommodarunt *rationes* dissolubilitatis *laxiores* vel ipsam *Concubinatum*, & Conjugium *secundarium*, humanitati, quæ in hodierna quoque Theologia suadetur, & lenitati Christianæ relinquentes, dimittere neutiquam nec ex causa, ab ipso Christo permissa. Atque adeo Illustris Domine, Abbas, collige, si placeat, & crede, quam sit, facillimum, conciliare tuam sententiam & opinionem in dissertatione, non adeo distincte traditam, cum sententiis Patrum, Theologorum, & Jctorum præprimis modernorum, qui solliciti sunt Connubii materiam paulo accuratius & ex fundamento evolvere, & ita leges *hodiernas quidem*, sed isto concubinatus *avo latas*, juxta genuinum sensum explicare ; & antequam quidem ad ipsam, binis jam verbis expediendam, conciliationem tuæ dissertationis accedam, decreveram ab initio, præmittere quodammodo *illustrationem* Dissertationis Illustr. Dn. Thomasi, & adicere de periodo in periodum, quæ ad supplementum præprimis fidei historicæ, & antiquitatum, paulo possent quadrare, sed video ita excrevisse instituti molem, ut epistolæ faciem ferre amittat, inde doleo, quædam in ipsa tractatione siluisse, præcipue allegata historica, & ex probatis Ecclesiasticæ potissimum historię Scriptoribus deprompta, quæ cum meliori connexionem credideram dictæ eruditissimæ dissertationi jungere ; basis vero & fundamentum totius

Con-

✿ (29) ✿

Conciliationis & conferendæ tuæ opinionis cum assertis Patrum & aliorum christianorum Theologorum, ne hi dicantur contra Christianismum statuisse, ne tu videaris ipsis contradicurus, consistit in eo, quod isti loquantur in permittendo concubinato, & concedenda faciliori dissolutione, de Statu *Civili*, imperfecto, quatenus saltem non contradicit legibus divinis naturalibus & moralibus, seu de foro *Soli*, vel etiam de legibus durioribus quidem, sed tamen permissis, & societatem Civilem, etiam Christianorum non turbantibus, uno verbo, de *politeumate mundi*, Tu vero loqueris de Statu *perfecto* Christianismi, & *Civitatis Salem*, in qua omnes debent summa openiti, ut perfectionem vitæ acquirant, neglectis *legibus permissivis*, seu sermo tibi est de foro *poli*, vel etiam de legibus lenitatis & virtutis christianæ (quamvis talis *lex* non detur, & *revera* *lex* non sit) vel, uti ipse mavis, de Statu *uberioris gratiæ* Evangelii, uno verbo, de *politeumate* Coeli, contra cuius tamen indolem ipse Salvator noster permisit divortia, in statu nostro imperfecto.

§. XX.

Recte itaque in genere dicis §. 1. *tuæ dissertationis* quod multa in Scriptura Sacra contineantur *κατὰ διαβολὰν*. Recte etiam dicitur §. 2. quod Concubinatus, seu quod Tibi *eatenus* idem est, dissolubilitas & dimittendi licentia, nam affectionem maritalem deesse, vel unquam defuisse concubinatus præter effectus *Civiles*, nego ex superius dictis & pernego) sit contra perfectionem indolem Christianismi, illud enim concedo & facile largior, dummodo idem applicetur ad omnimodam dissolutionem etiam matrimonii, etiamsi iustæ causæ & permissæ adsint, ac dummodo rationes Status Civilis separentur, a ratione Status & oeconomicæ cœlestis, atque perfectionis acquirendæ in Christianismo, sine tamen damnatione, contemptu, & accusatione improbitatis *legum Civilium*, & *Status Civitatis*, dummodo demum quoque rite supponatur, non tantum esse privilegium Voluptatum in matrimonio, & sicuti teste Hospiniano de orig. & progr. monach. class. 1. cap. 1. fol. 32. enormiter errabat Ambrosius, quod virginitatem principalem esse virtutem affirmavit, cum fides, spes, charitas sint præcipuæ virtutes, & castitas quidem sit virtus, sed *tam in virginitate quam in matrimonio*, ita in omni quoque licita conjunctione, & status civilis eam patiatur, certissimum est, posse deprehendi veræ Castitatis christianæ non signa, sed insignia; quibus suppositis dictum, *Matt. 19. 4, 5. sequi.* in §. 3. *Dissert. tuæ* allegatum intellectu facilius est, præcipue, si adhibeatur postulatam ultimum §. 16. *hujus Epist.* & videntur mihi præterea, reliqui dictæ *Dissert.* §§. usque ad ultimum, ex cessante omnimoda differentia inter Concubinatum seu matrimonium secundarium, & primum seu Civile, satis cum doctrina nostra conciliati, saltem adhuc restant dicta & asserta Patrum Ecclesiæ nonnullorum, qui contra licentiam & indolem Concubinatus scripserunt, quos allegati in §. *Dissert. ultimo*; at vero hi omnes præter unum Ambrosium huc plane non pertinent, nam reliqui vixerunt & docuerunt istis Seculis, cum Status matrimonii primarii & secundarii jam esset consolidatus

datus, & Idem juris haberent quoad connubia non Cives, & extranei, quam
 isti, qui olim jure, Civitatis admodum singulari fruebantur intuitu matri-
 moniorum, quorum reliqui non erant capaces, cessabat nunc enim coemptio,
 deductio in domum, effectus familiæ, fictio unitatis genuina, atque adeo, quod
 maxime observandum, concubinatus *abusive* jam tum incipiebat sumi & usur-
 pari præcipue a Clericis extra sensum genuinum antiquum, & requisita, quæ
 cum vero matrimonio imprimis generico, & hodierni sensus, præter quos-
 dam effectus Civiles, habebat communia. Ad Ambrosium vero quod atti-
 net, non est necesse, ut recurramus ad suspectum reddendum ipsius Testimo-
 nium, quamvis novum eatenus argumentum, modo allegatum, suppediavit
 Hospinianus, sed potius ad novam istius temporis, sine ullo dubio novaturi-
 entis principii conciliationem, ex historia supponendum, quod, juxta *Sozo-
men. Socrat. Theodor. & Hieron.* Ambrosius fuerit antea Præses Milani Impera-
 torius, sicuti vero ad istam dignitatem statim in primis Imperii Monarchici
 Seculis evehebantur condignæ admodum personæ, & Viri Status publici ap-
 prime gnaræ, ut possent jura Romana, quorum origo & tenor uticunque sapie-
 bat Statum popularum, latenter transformare in Statum Monarchicum, ita sane
 Ambrosius & alii Præsides istis principiis Juris erant imbuti, ut quantum fie-
 ri posset, differentia legum inter Cives & non Cives tolleretur, & sicuti sub
 Augusto Imperatore principia anti Monarchica de Testamentis, vel in Comi-
 tiis, vel per mancipationem condendis, astute evertiebantur per introductio-
 nem fidei Commissorum, ita potuisset jam olim, sed periculosa erat Civium
 pertinacia, nunc vero non poterat meliori ratione jus *Connubiorum* exorbitans
 tolli, quam per damnationem Concubinatus & omnis generis matrimonii se-
 cundarii, saltem ut eo ipso quilibet homo indistincte particeps redderetur
 juris Connubiorum uniformis, quid igitur mirum, quod Ambrosius incipe-
 ret damnare Concubinatum, cum crederet plenarie intervertere antiqua &
 sub Christianis Imperatoribus facilius consolidare omnia Connubiorum jura,
 ita ut reliqui actus essent *illiciti*, seu, contra ipsa jura Civitatis, tanta quanta
immutata.

§. XXI.

Vides igitur, Illustris Domine Abbas, quanta sint consideranda, in tota
 Connubiorum materia, antequam ad unam veritatem, in tanta varietate de-
 veniatur, accipe, quod iterum rogo, hæc omnia benigno animo, & cum man-
 suetudine christiana; Crede mihi, si placet, absque ullo studio vel contradi-
 cendi, vel rerum singularium & novarum concupiscentia, me hæc omnia sen-
 tire, & publica facere, obsecrando præterea cœleste Numen, ut casto cuique
 vultui pateant hæc paginæ, & cœlibus videant æque, ac conjugēs, quam sint
 præscriptæ perspicuæ castitatis regulæ, & quæ possit periri in tantis errori-
 bus & tam fucata rerum matrimonialium hæresi, solidior Connubiorum scho-
 la, donec finito politevmate cœlesti quodammodo & omni mundano, post fi-
 nem ipsius Cœli & Civitatum, spiritualis nostra gloria ignoret & concupi-
 scentiam & ita Castitatem, sed excellat eorum facie æterni spiritus, propria
 sua perfectione. Tu vero vale. Dabam Trajecti ad Rhod. d. 4. Nov. 1713.